



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-8-7/23

Datum: 31.05.2023. godine

Na osnovu člana 64. stav (1), tačka b) Zakona o javnim nabavkama BiH ("Službeni glasnik BiH", broj 39/14 i 59/22) i Preporuke komisije za javnu nabavku broj JN1-16-4-8-6/23 od 31.05.2023. godine, u postupku javne nabavke usluge servisiranja vozila u vangarantnom roku direktor Agencije za statistiku BiH donosi:

ODLUKU
o izboru najpovoljnijeg ponuđača

Član 1.

Prihvata se preporuka komisije za javne nabavke broj: JN1-16-4-8-6/23 od 31.05.2023. godine i okvirni sporazum za javnu nabavku usluge servisiranja vozila u vangarantnom roku dodjeljuje se ponuđaču "UNITRADE" d.o.o. Ljubuški, ponuda broj: 2505/2023 od 25.05.2023. godine, za ponuđenu cijenu od 7.421,73 KM sa PDV-om (6.343,36 KM bez PDV-a), kao najpovoljnijem ponuđaču.

Član 2.

Za izvršenje ove odluke zadužuje se i ovlašćuje Sektor za opće, pravne i računovodstvene poslove Agencije za statistiku BiH.

Član 3.

Ova odluka objavit će se na Web stranici Agencije za statistiku BiH (www.bhas.gov.ba), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: JN1-16-4-8-1/23 od 10.05.2023. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 7.117,60 KM. Obavjest o nabavci broj: 11-7-2-25-3-18/23 poslata je na objavu i objavljena na Portalu javnih nabavki dana 16.05.2023. godine.

Komisija za javnu nabavku imenovana je Rješenjem broj: JN1-16-4-8-2/23 od 10.05.2023. godine.

Komisija za javnu nabavku dostavila je dana 31.05.2023. godine Zapisnik o ocjeni i analizi pristiglih ponuda broj: JN1-16-4-8-5/23 od 31.05.2023. godine i Preporuku o izboru najpovoljnijeg ponuđača broj: JN1-16-4-8-6/23 od 31.05.2023. godine u postupku javne nabavke usluge servisiranja vozila u vangarantnom roku.

U postupku po Zapisniku o ocjeni i analizi pristiglih ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3;
- da su blagovremeno zaprimljene 3 ponude i to: "UNITRADE" d.o.o. Ljubuški, "TRIAB" d.o.o. Sarajevo i "AUTOMERC ŠKORO" d.o.o. P.J. 3 Sarajevo;
- da nije bilo neblagovremeno zaprimljenih ponuda;
- da je ponuda ponuđača "UNITRADE" d.o.o. Ljubuški, ocjenjena kao prihvatljiva;
- Ponuđač „TRIAB“ d.o.o. Sarajevo je u svojoj ponudi broj: 057/23 od 25.05.2023. godine propustio dostaviti minimalnu lager listu rezervnih dijelova u tvrdoj kopiji ili skeniranu na mediju za skladištenje digitalnih podataka (USB, DVD, CD ili sl.), a što je traženo tenderskom dokumentacijom za predmetnu nabavku u svrhu dokazivanja tehničke i profesionalne sposobnosti ponuđača pod tačkom 2) stav (e). Takođe navedeni ponuđač je pored dostavljenog originala propustio dostaviti i kopiju ponude, a što je traženo u tenderskom dokumentu pod tačkom IV, stav 1), podtačka (o). Nadalje, komisija je utvrdila da ponuđač nije u cjelosti popunio Obrazac za ponudu, a što je bio dužan u skladu sa tačkom IV, stav 1), podtačka (b) tenderske dokumentacije.
- Ponuda ponuđača „AUTOMERC ŠKORO“ d.o.o. P.J. 3 Sarajevo broj: SESA /56-81/23 od 30.05.2023. godine sa ukupnom ponuđenom cijenom u iznosu od 9.670,05 KM sa PDV-om prelazi planirana odnosno osigurana novčana sredstva za nabavku u iznosu od 8.327,60 KM sa PDV-om, te je u skladu sa prethodnim komisija donijela zaključak da se ponuda navedenog ponuđača odbaci kao neprihvatljiva u skladu sa članom 2. stav 1), tačka (i) Zakona o javnim nabavkama BiH („Sl. glasnik BiH“ br. 39/14) i Zakona o izmjenama i dopunama zakona o Javnim nabavkama BiH („Sl. glasnik BiH“ br. 59/22).

U postupku donošenja ove odluke, posebno su cijenjene činjenice da li je Komisija, pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije i Zakona o javnim nabavkama BiH ("Službeni glasnik BiH", broj 39/14 i 59/22) i podzakonskim aktima.

U postupku ocjene provedenog postupka, rukovodilac ugovornog organa nije našao razloge nepravilnosti niti propuste u radu, koji bi eventualno bili osnov za neprihvatanje preposruke Komisije za javnu nabavku.

Naime u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najpovoljniji za ugovorni organ na osnovu kriterija najniže cijene čime je utvrđen sukcesivni red kako slijedi:

1. "UNITRADE" d.o.o. Ljubuški sa konačnom ponuđenom cijenom u iznosu od 7.421,73 KM sa PDV-om, (6.343,36 KM bez PDV-a).

Iz navedenih razloga primjenom člana 64. stava (1), tačka b) Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema ove odluke u skladu sa članom 99. i 101. ZJN BiH.

Direktor
Vesna Čužić



Dostaviti:

1. www.bhas.gov.ba
2. Učesnicima u postupku javne nabavke
3. a/a